

# Хойр совхозин диилврӑс

Юстинск района „Северный“ совхозин (директорнь ур Ланговой, парторганизацин сеглӑтрнь ур Ямадаев) коллектив Хальмг АССР-н Деед Советд сунъгъх ӧдриг уктдж социалистическ дӧрлдӑ ӧргӑр делгрӑлдж, малдан элвг хот. малин хаша-хаас увлд сӑӑнӑр белдджӑнӑ. Нӑӑднр хӧӧдт искусственин кӧг тӑвлгън шунмгъагъар кегдджӑнӑ.

Эн совхозин кӧдлмшчнр болн механизатормуд намрин тӑрӑ тӑрлгъиг агротехническ ӧӧдм чинртӑгъӑр кегъӑд 2000 гектар намрин тӑрӑ тӑрв.

„Северный“ совхозин 3-ч номертӑ фермин (залгчнь ур Амтаев) нӑӑднр хӧӧдт искусственин кӧк тӑвлгънӑ кӧдлмшиг кедж дуусхар шунджацхана. Ах хӧӧч ур Цереновин отарас 454 хӧӧнд искусственин кӧг тӑвгдв, ах хӧӧч ур С. Бамбаевин отарас 387 хӧӧнд искусственин кӧг тӑвгдв.

„Эрдниевский“ совхозин механизатормуд болн кӧдлмшчнр намрин тӑрӑ тӑрлгъиг шундж кегъӑд, 810 гектар тӑрӑ тӑрчкв. Эн совхозин 3-ч номертӑ фермин механизатормуд 270 гектар эрдни-шишӑг буудяд хурадж авб. Дакад эдн 320 гектар намрин хар буудя тӑрчкв. Комбайнер ур Н. Кошаков эврӑннь комбайнарн ӧдр болгън 9 гектар эрдни-шишӑ хурадж азчана. Эрдни-шишӑ хуралгъна кӧдлмшт комсомольцнр тӑрун нуурт йовцхана. Ур Чугуев Юрий, Араева Александра болн нань чигн комсомольцнр ӧдрӑ кемджӑгъӑн давулн куцӑцхӑнӑ.

Эн совхозин 3-ч номертӑ фермин кӧдлмшчнр намрар киргъдг хӧӧдиг ахр цагин эргцд киргъдж дуусв. Ода малчнр бӑӑх гермӑдиг ясдж, увлд белдджӑнӑ.

Эн хойр совхозин малчнр, кӧдлмшчнр Хальмг АССР-н Деед Советд сунъгъх ӧдриг производственин диилвртӑгъӑр тосхар ноолдджацхана.

Б. БОЛДЫРЕВ.